



REPUBLIKA E KOSOVËS
REPUBLIKA KOSOVA/REPUBLIC OF KOSOVO



KOMUNA E SHTIMES
OPŠTINA ŠTIMLJE/MUNICIPALITY OF SHTIME

Drejtoria për Arsim
Uprava za Obrazovanje/Department of Education

Data	23 gusht 2022
Nr	05/681
Për	z. Adnan Ademi, kryesues i Kuvendit të Komunës së Shtimes
Përmes	
Nga	Lulzim Sahiti, drejtor i Arsimit
Lënda	INFORMATË RRETH PËRGATITJEVE PËR FILLIMIN E VITIT TË RI SHKOLLOR 2022/2023

Drejtoria Komunale e Arsimit, në bashkëpunim me drejtorët e institucioneve-edukativo-arsimore ka bërë përgatitjet e duhura për fillimin e vitit shkollor 2022/2023. Pra, gjatë muajit korrik-gusht, kemi punuar me intensitet të shtuar për realizimin punëve dhe detyrave që kemi pasur gjatë këtyre dy muajve. Me këtë rast, po i listojmë disa nga aktivitetet kryesore të realizuara gjatë kësaj periudhe kohore:

- ✓ Mbajtja e takimeve të rregullta me drejtorë të shkollave;
- ✓ Analiza e suksesit pas përfundimit të vitit mësimor 2021/22;
- ✓ Përgatitja për Testin e Maturës Shtetërore (Aftin e Gushtit). Në aftin e dytë, më 27 gusht 2022, Provimit Shtetëror të Maturës do t'i nënshtrohen gjithsej 90 maturantë, prej të cilëve 39 nxënës janë të Gjinnazit "Naim Frashëri" dhe 51 nxënës të Shkollës së Mesme Profesionale në Shtime;
- ✓ Hormanizimi dhe plotësimi i orëve mësimore të mësimdhënësve;
- ✓ Përgatitja dhe hapja e konkursit për regjistrimin e nxënësve në klasën e dhjetë (10) në arsimin e mesëm të lartë (Afti i Gushtit), ku më 22, 23 dhe 24 gusht 2022 pritet të plotësohen vendet e lira në Gjinnazin "Naim Frashëri" dhe në Shkollën e Mesme Profesionale në Shtime;
- ✓ Vazhdimi i realizimit të vizitave nëpër institucione edukativo-arsimore;
- ✓ Vlerësimi i portfoliove për 38 mësimdhënës që e kanë mbaruar trajnimin për zbatimin e kurrikulës së re;
- ✓ Nga MASHTI është bërë certifikimi i mësimdhënësve për kurrikulën e re;
- ✓ Është bërë pastrimi gjeneral i të gjitha hapësirave të jashtme dhe të brendshme shkollore;
- ✓ Pas përfundimit të vitit mësimor kanë nisur punimet në renovimin e objekteve shkollore, përkatësisht në SHMU "Emin Duraku" dhe në Gjinnazin "Naim Frashëri" në Shtime. Ky projekt ka të bëjë me zbatimin e masave të efijencës së energjisë.

- ✓ Është kontraktuar operatori ekonomik për furnizim të institucioneve shkollore me material pedagogjik (ditar shkollor, libra amë etj.) për këtë vit shkollor;
- ✓ Për furnizim me libra shkollor janë bërë përgatitjet e duhura. Me këtë rast, brenda afatit të caktuar kohor janë përzgjedhur tekstet nga Aktivitetet Profesionale nëpër shkolla sipas katalogjeve të MASHTI-t. Gjithashtu është bërë kërkesa në adresë të MASHTI-t për furnizim me 431 abetare të reja, të cilat do të përdoren nga 1 shtatori në Kosovë dhe Shqipëri. Më 20 gusht 2022 kemi pranuar tekstet shkollore nga shtëpitë botuese “Dukagjini”, “Magjia e librit”, “Alabasi”, “Berati”, “Luarasi”, “Pegi” dhe “Libri shkollor”. Komisioni komunal për pranimin, evidentimin dhe shpërndarjen e teksteve shkollore ka nisur shpërndarjen e tyre nëpër institucione arsimore më 22. 8. 2022;
- ✓ Përgatitja dhe shpallja e konkurseve për 19 vende të lira të punës në institucione edukativo-arsimore. Tashmë komisionet përkatëse kanë nisur punën në rekrutimin e stafit arsimor dhe teknik të shkollave;
- ✓ Nga 1-12 korrik 2022 ka qenë afati për regjistrimin e fëmijëve në Institucionin Parashkollor “Albiona Asllani” në Shtime, ku gjatë kësaj kohe kanë konkurruar gjithsej 47 fëmijë të moshave të ndryshme. Me këtë rast, komisioni për verifikimin e dokumentacionit të aplikantëve, më 14 korrik 2022 ka bërë pranimin e 38 fëmijëve për vitin shkollor 2022/2023 duke u bazuar në Udhëzim Administrativ (MASHT) nr. 03/2022 për përfshirjen e fëmijëve në institucione parashkollore në Kosovë dhe Vendimit të DKA-së, nr. 05/519, të datës 30. 6. 2022, për kriteret e pranimit të fëmijëve në Institucionin Parashkollor “Albiona Asllani” në Shtime;
- ✓ Në garën e madhe të Robotikës, të organizuar më 6 korrik 2022 nga Kosova Makers League Open, nxënësit e SHFMU “Lasgush Poradeci” të Muzeqinës: Buna Shahini, Dhurata Biba, Leonis Kolgeci dhe Ideal Kurtishi kanë triumfuar në katër raundet duke zënë vendin e parë në nivel të Republikës së Kosovës. Në sfidën e katërt të kësaj gare, morën pjesë 70 ekipe nga 20 komuna të ndryshme të Kosovës, në të cilën nxënësit tanë kanë treguar aftësitë e tyre në gjuhët programuese;
- ✓ Kemi subvencionuar transportin e nxënësve me nevoja të veçanta arsimore, të cilët ndjekin mësimet në Qendrën Burimore në Prizren, Prishtinë dhe Shkollën Speciale “Shpresa” në Shtime;
- ✓ Më 3 gusht 2022 kemi shpallur rezultatet për ndarjen e 50 bursave për studentë për vitin akademik 2022/2023;
- ✓ Ka përfunduar procedura e rekrutimit të dy drejtorëve të ri të institucioneve shkollore, kurse për një drejtor është ripërsëritur konkursi meqë nuk ka pasur kandidatë të mjaftueshëm për këtë pozitë udhëheqëse;
- ✓ Pas kërkesës së DKA-së në MASHTI për pajisje laboratorike, më 2 gusht 2022 kemi siguruar një kabinet për lëndët shkencore, në vlerë prej 49,818.05 euro;
- ✓ Në këtë periudhë së bashku me drejtorët e institucioneve shkollore kemi bërë planifikimin dhe harmonizimin e buxhetit për vitin fiskal 2023;

Si përfundim i gjithë kësaj, Drejtoria Komunale e Arsimit, ka bërë të gjitha përgatitjet e duhura për fillimin e vitit të ri shkollor 2022/2023 dhe gjatë këtij viti në qendër kemi vendosur bashkëpunimin me aktivet profesionale të shkollave, për t'i fuqizuar rezultatet e të nxënësve si dhe harmonizuar aktivitetet mësimore në arritjen e kompetencave, dijeve e shkathtësive të nxënësve. Pra, me ekip të mirë, synimet do të bëhen realitet.